



education

Lefapha la Thuto la Bokone Bophirima
Noord-Wes Departement van Onderwys
North West Department of Education
NORTH WEST PROVINCE

PROVINCIAL ASSESSMENT

MOPHATO 11

SETSWANA PUO YA GAE (HL)

PAMPIRI YA BORARO (P3)

NGWANAITSEELE 2019

MADUO: 100

NAKO : Diura di le 2½

Pampiri e , e na le ditsebe di le 6.

DITAELO LE TSHEDIMOSETSO

1. Pampiri e, e arogantswe ka DIKAROLO di le PEDI.

KAROLO A: Tlhamo: (50)
KAROLO B: Ditlhangwa tsa tirisano: (2 x 25) (50)

ELA TLHOKO: O tshwanetse go araba dipotso di le PEDI go tswa mo KAROLONG YA B.

2. Araba potso e le NNGWE go tswa mo go KAROLO YA A le di le PEDI go tswa mo go KAROLO YA B.
3. Kwala ka puo e o tlhatlhobiwang ka yona.
4. Simolola KAROLO NNGWE le NNGWE mo tsebeng e NTŠHWA.
5. O tshwanetse go rulaganya (sk. letlhomeso la dikakanyo/lenaneopaakanyo/mmapa wa dikakanyo/dintlhakgolo, jj,) runa (tseleganya) o be o tlhotlhe tiro ya gago diphoso. Thulaganyo e tshwanetse go tlhagelela PELE ga tlhamo.
6. Ipaakanyo kana setlhangwa sa ntlha se supuwe jalo ka botlalo. O gakololwa go thala mola go kgabaganya ipaakanyo kana setlhangwa sa ntlha.
7. O gakololwa go dirisa nako ya gago ka mokgwa o o latelang:
KAROLO YA A: Metsotso e le 80
KAROLO YA B: Metsotso e le (2 x 35) 70
8. Nomora dikarabo ka nepagalo go latela thulaganyo ya dinomoro e e dirisitsweng mo pampiring ya dipotso.
9. O se ka wa tsenyeletsa setlhogo fa o bala mafoko.
10. Kwala ka mokwalo o o buisegang le ka mopeleto o o kannweng ke Lekgotla la Bosetšhaba la Puo ya Setswana.

KAROLO YA A: TLHAMO**POTSO 1**

Kwala tlhamo ya boleele jwa mafoko a a ka nnang 350-400 ka NNGWE FELA ya ditlhogo kgotsa ditshwantsho tse di neilweng. Fa o dirisa setshwantsho go kwala tlhamo, se neele setlhogo se se maleba. O se ka wa lebala go thala letlhomoso kana lenaneopaakanyo, go tthagisa setlhangwa sa ntlha le go runa pele o kwala sa bofelo.

- 1.1 Ga re lebagane le dikgwetlho tsa botshelo ka go tshwana. [50]
- 1.2 ... ke fa mogala wa me wa letheke o lela. [50]
- 1.3 Tlhatlhosho ya leokwane ke tlhobaboroko naga ka bophara. [50]
- 1.4 Batsadi ke bona fela ba ba tlhologanyang bana ba bona botoka. [50]
- 1.5 Lefapha la Thuto le Tlhabololo ya Metshameko le tswelopele go tsenya tirisong dithutotlaleletso tsa dikhempe go barutwana ba marematlou mo malatsing a boikhutso. Dumela kgotsa o ganele tthagiso e. [50]
- 1.6 Nka dira eng gore kgwebopotlana ya me e tswelopele go gola. [50]
- 1.7 Ditshwantsho tse di tlhagelelang mo tsebeng ya 4 di ka tsosa maikutlo kgotsa tsibogo e e rileng. Tlhopha setshwantsho se le SENGWE, mme o kwale tlhamo ka ga sona. Neela tlhamo ya gago setlhogo se se maleba. Nomora potso ya gago go nna 1.7.1 KGOTSA 1.7.2.

ELA TLHOKO: Diteng tsa tlhamo ya gago di tshwanetse go nyalana le setshwantsho se o se tlhophileng.

1.7.1



[Se nopotswe go tswa mo: *Inthaneteng*] [50]

1.7.2



[Se nopotswe go tswa mo: *Inthaneteneng*] [50]

PALOGOTLHE YA KAROLO YA A : 50

KAROLO YA B: DITLHANGWA TSA TIRISANO**POTSO 2**

Araba dipotso di le PEDI mo karolong e. Karabo e nne boleele jwa mafoko a a ka nnang 180-200 (diteng fela). O gakololwa go runa le go tlhotlha setlhangwa sa gago diphoso.

2.1 LEKWALO LA SEMMUSO LA KOPO

Bontsi jwa barutwana ba tlhola ka tlala kwa sekolong ka ba tswa kwa malapeng a a dikobo dikhutshwane. Kwalela mokhuduthamaga wa Lefapha la Thuto mo porofenseng ya Bokonebophirima o kope gore sekolo sa lona se akarediwe mo lenaneng la dikolo la phepo ya dijo (NSNP).

[25]**2.2 LEKWALO LA BOTSALANO**

O sa tswa go lemoga gore tsala ya gago o ratana le monna yo o nyetseng. Mo kwalele lekwalo o mo kgalemelele mekgwa e e maswe e.

[25]**2.3 LENAANETEMA LE METSOTSO**

O mokwaledi wa kemedi ya barutwana mo sekolong sa lona, o ne o tsenetse kopano le Lekgotlakemedi la yunibesithi ya Bokonebophirima le buisana ka go abela basetsana mesamo ya basadi kwa dikolong. Kwala lenaanetema le metsotso ya kopano e.



[Se nopotswe go tswa mo: Inthaneteng] **[25]**

2.4 TSA BOTSHELO JWA MOSWI

Malome wa gago o tlhokafetse morago ga bolwetse jwa kankere. Balelapa ba go kopile go rulaganya tsa botshelo jwa moswi jaaka bo tlaa buisiwa kwa tirelophitlhong. Kwala tsa botshelo jwa moswi.

[25]

2.5 ATHIKELE YA LOKWALODIKGANG

Leba setshwantsho se se latelang, mme morago o kwale athikele ya lokwalodikgang ka ga ditlhopho tsa bosetšhaba mo Aforikaborwa.



[Se nopotswe go tswa mo: *Inthaneteng*] [25]

2.6 MMUISANO

E setse e le dingwaga di le 15 kgaisano ya 'IDOLS' e tswelletse mo nageng ya Aforikaborwa. Kwala mmuisano o o nnileng teng gareng ga gago le mofenyi mongwe yo o mo itseng wa kgaisano e.



[Se nopotswe go tswa mo: *Inthaneteng*] [25]

PALOGOTLHE YA KAROLO YA B: 50
PALOGOTLHE : 100